



15. maj 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Meeqqanik angerlarsimaffiup avataanut inissiinermut aningaasartuutit piffissami 2018-imiit 2024 tikillugu 50%-ngajammik qaffassimanerannut suna pissutaava?

2. Inissiisarfinnut namminersortunut aningaasartuutit 2018-imiit 2024 tikillugu 80% sinnerlugit qaffassimaneri eqqarsaatigalugit, Naalakkersuisut isumaqarpat inissiisarfii namminersortut qaffasippaallaamik akeqartitsisartut?

3. Namminersorlutik Oqartussat ulloq unnuarlu inissiisarfiiutaannut aningaasartuutit 2018-imiit 2024 tikillugu qanoq annertutigisumik qaffassimappat?

- a) Qaffariaateqarsimappata tamatumunnga suna pissutaava?
- b. Meeqqat inissinneqarsimasut amerleriarsimappat?
- c. Sulisut amerleriarsimappat?

4. Ulloq unnuarlu angerlarsimaffiit pisortanit pigineqartut amerlanerunissaat Naalakkeruisut kissaatiginngilaat?

- a. Taamaasimappat angerlarsimaffiit amerlineqarnissaat Naalakkersuisunit sulissutigineqarniarpa?

(Inatsisartunut ilaasortaq Erik Jensen, Siumut)

Tunngavilersuut:

Naalakkersuisut saqqummiuteqqammerpaat meeqqat angerlarsimassiup avataanut inissinneqartarnerat pillugu nalunaarusiaq Deloitte-miit suliarineqarsimasoq. Tamatumunngalu atatillugu meeqqat inuusuttullu inissinneqartarneri pillugit aningaasartuutitut misissueqqissaarnermi atuarneqarsinnaavoq, inissiinermut aningaasartuutit piffissami 2018-miit 2024 tikillugu 50%-ngajammik qaffassimasut, naak piffissami 2020-2024 inissinneqarsimasut "taamaallaat" 6%-imik amerleriarsimagaluartut. Taamaattumik paaserusunnarpoq aningaasartuutit taamak annertutigisumik qaffassimanerannut suna pissutaanersoq misissoqqissarneqarsimansoq?

Taamatuttaaq atuarneqarsinnaavoq ulloq unnuarlu angerlarsimaffinni inissat pisortanit pigineqartut 2020-imiit 2024-imut ikilerialaarsimasut, illuatungaanilu namminersortunit pigineqartut amerleriarsimallutik. Isumaqarpunga tamanna eqqarsarnartoq, pissutigalugu naatsorsuutigineqarsinnaammat angerlarsimaffiit namminersortunit pigineqartut amerliartortillugit inissiinermut aningaasartuutit suli qaffakkaluttuinnarnissaat naatsorsuutigineqarsinnaammat?

Apeqqutigineqartut ullut suliffiusut qulit iluanni akeqquneqarput.